

SCRIPT OF MORNING GOJRI NEWS BULLETIN 22APRIL 2025

1015HRS

مارننگ گو جری نیوز بلیٹن مورخہ 22 اپریل 2025

یوہ آکا شوانی جموں ہے محبوب سلطانی تین خبر سُنو۔

CM RAMBAN VISIT

وزیر اعلیٰ عمر عبداللہ نے پچھلے تہارے رام بن ضلع گو دورو کرگے ات بدل بھٹن توں ہوئی تباہی تے زمینی صورتحال گو جائیزو لیو اس دورہ غے دوران اُن غے ہمراہ ڈپٹی کمشنر رام بن تے سول تے پولیس انتظامیہ گا سننیر افسر ور موجود تھا جناب عم عبداللہ نے سڑک گے زریعے سرینگر توں متاثرہ گراں ماروگ گو دورو کیو جت بدل پھٹن توں متی تباہی ہوئی بے وزیر اعلیٰ نے کیلا موڈ توڑی پوجھن واسطے کچا تے اوکھا رستاں نانہ پار کرگے کنیمیل سفر پیدل وی طے کیو جت بدل پھٹن کی وجہ تے پانی نت سیلابی صورتحال اختیار کرگے خاصی تباہی کی ہے۔ جناب عمر عبداللہ نے تباہی کی شدت ور ڈاڈا دکھ غو اظہار کیو تے اُن گو کہنو تھو جے مہاری انتظامیہ موقع ور موجود ہے تے ہر متاثرہ گنہہ کی حفاظت مدد تے بھالی واسطے تہاڑی رات کم کر رہی ہے۔

DIV COM IGP

صوبائی کمشنر جموں رومیش کمار تے جموں کشمیر پولیس گا انسپکٹر جنرل بہیم سین توری نے پچھلے تہارے رام بن ضلع گا سیلاب توں متاثر تے زمین کھسکن آلا علاقہ گو تفصیلی گو جائیزو لیو جاسکے اس دورہ غے دوران ان گے نال ڈپٹی کمشنر رام بن بڈیر الحق چودھری ایس ایس پی رام بن گلبر سنگھ تے قومی شاہراہ گا ایس ایس پی ٹریفک راجہ عادل حمید وی موجود تھا۔ صوبائی کمشنر تے آئی جی پی موصوف نے متاثرہ جگہ جن مانہہ سیری بولی بازار مین بازار رام بن ہائی سکیورٹی سکول گا کول کال گو علاقو تے نوی بستی شامل ہیں گو دورو کیو اُنہاں نے متاثرہ گنہہ سنگ گل بات وی کی تے ات جاری بچاؤ راحت تے بحالی گ اکم کاج گو جائیزو لیو۔ اس دوران صوبائی کمشنر نے متعلقہ محکماں نانہہ ہدایت جاری کرتا مانہہ کیو جے ضرور ی اشیاء کی بھالی گا کم کاج تے خصوصی طور قومی شاہراہ ور بحال گ اکم کاج نانہہ تیز کرے تانجے راحت تے بچاؤ کاروائی نانہہ خطہ مانہہ ہدایو جاسکے۔

NHW UPDATE

جموں کشمیر ٹریفک پولیس نے قومی شاہراہ ور لڑہ سفری پلان تے رہنمائی جاری کرتا مانہہ کیو ہے اج جموں سرینگر قومی شاہراہ ۴۴ ور گڈیاں گی آؤ جائی نانہہ بند رکھیو جت غو کیو جے شاہراہ ور بحالی گو کم کاج اجیں جاری ہے اس ضمن مانہہ مسافراں نانہہ ہدایت دتی گئی ہے جے جس لے توڑی بحالی گو کم کاج پورو نہ جیو جے یا سڑک گڈیاں گی آؤ جائی واسطے نہ بن جے وے شاہراہ ور سفگر کرن توں پرہیز کریں مزید جانکاری واسطے مسافر ٹریفک کنٹرول یونٹس سنگ ان نمبراں ور رابطو کرسکے جن مانہہ جموں واسطے نمبر ہے 0191 9419147732 -2740550 0191 -2459048- جدکہ سرینگر غو نمبر ہے 0194 2450022 -18001807091 -103 جدکہ رام بن 103 واسطے 9419993745 -1800,180 7043- تے ادھمپور مانہہ 8491928625 ور رابطہ کیو جاسکے۔

DY CM FLOUR MILLS

نائیب وزیر اعلیٰ سریندر چودھری نے پچھلے تہارے آٹا آلی میل گی آسوسیشن جموں گی اک میٹنگ منعقد کرگے اُن گا مسائل گو جائیزو لیو ہے اس دوران آسوسیشن نے پنجاب حکومت گی طرفوں لائی گئی اضافی ۶ فی صد منڈی فیس جس مانہ منڈی ٹیکس آر ٹھیہ کمیشن تے دیگر ٹیکس شامل ہیں ور تشویش گو اظہار کیو یا قیمت پنجاب تو دوجی ریستار گے مل مالکاں ور کنک گی خیریداری گے دوران اعلیٰ تربیتی قیمت یعنی تے علاوہ لائی جارہی ہے اس ضمن مانہ آسوسیشن نے کہیو جے یوہ قدم جموں کشمیر گی آٹا آلی ملز نانہ متاثر کر رہیو ہے اُنہاں نے اس مسئلہ گا حل واسطے نائیب وزیر اعلیٰ توں مداخلت کی اپیل وی کی۔ اس دوران جناب سریندر کمار چودھری نے یقین دہانی کراتا مانہ کیو جے آٹا آلی ملز گا جائزہ مسائل نانہ ترجیح بنیاداں ور حل کیو جے گو۔

DC POONCH MUGHAL ROAD

ڈپٹی کمشنر پونچھ وکاس کُنڈل تے ایس ایس پی شفقت حسین بھٹ تے پچھلے تہارے مغل سڑک گو تفصیلی دورو کیو ہے واضع رہ جے لگاتار بارش تے پسی پین غی وجہ توں قومی شاہراہ ۴۴ بند ہے جدکہ مغل سڑک وادی کشمیر نانہ جموں سنگ ملان آلو اک متبادل رستو ہے اس دوران ڈپٹی کمشنر وکاس کُنڈل نے مسافراں سنگ ملاقات کی تانجے اُن گی حفاظت تے سہولت نانہ یقین دہانی کراتا مانہ کیو جے خراب موسم گے دوران سڑک گی لگاتار نگرانی کی جے گی تے ہنگامی صورتحال سنگ نمژن واسطے اضافی عملاں تے مشنیری سنگ ہر ویلے تیار ریں۔

DC RAJOURI MUGHAL ROAD

بدھتی وی گڈیاں گی آواہ جائی گے چلتیں قومی شاہراہ ور بہمیر گلی آلا رستہ تے مغل سڑک ور ٹینڈ آلی گلی گیرستے ور گڈیاں لاریاں گی آؤ جائی نہ موثر طریقہ سنگ چلان واسطے ضلع انتظامیہ راجوری تے پیشگی قدم چایا ہیں اس سلسلہ مانہ ڈپٹی کمشنر راجوری ابھیشیک شرما گی ہدایت ور میجسٹریٹ تے ٹریفک اہلکاراں نانہ اہم جگہاں ور تعینات کیو گیو جن مانہ سیلانی پُل کولان مرکزی موڑ بہمیر گلی تے دیگر جگہ شامل ہیں تانجے ٹریفک نانہ بہتر طریقہ سنگ چلاغے رش توں بچیو جاسکے اس سلسلہ مانہ کسے وی طرح گی مدد تے ہنگامی صورت واسطے اک مخصوص ہیلپ لائن نمبر 01962260207 نانہ لوکاں گی سہولت واسطے عام کیو گیو ہے۔

APPRENTICESHIP MELA

بھارتی حکومت گی ہنر ترقیات تے کاروبار گی وزارت تے جموں کشمیر ہنر ترقیات محکمہ گی ہدایت ور سرکاری صنعتی تربیت گو اداروں آئی ٹی آئی ادھمپور نے وزیر اعظم قومی اپرنٹشپ میلا گو انعقاد کیو اس دوران خلع صنعتی مرکز ڈی آئی سی گا جنرل مینیجر کشور سنگھ کٹوچ نے مہمان خصوصی غ اطور ور اس میلا گو افتتاح کیو جس مانہ آئی ٹی آئی گا ۰۰۱ توں متا سابق طالب علماں نے شرکت کی جدکہ ادھمپور گا سد نمایاں صنعتی اداراں نے وی اس میلا مانہ شرکت کی اُنہاں نے اپرنٹشپ تربیتی سکیم گی مکمل تفصیل مشیر گے طور ور صنعتی اداراں نانہ ہر ممکن مدد فراہم کر ن گی یقین دہانی کروائی۔
